

-UPRAVNI ODBOR-

Broj: 01-1072-4/20

Datum: 27.07.2020

Na osnovu člana 29. stav 1. i 6. Zakona o ustanovama ("Službeni list RBiH", broj 6/92, 8/93 i 13/94), člana 12. stav 5. Zakona o preuzimanju prava i obaveza osnivača nad ustanovama socijalne zaštite u FBiH ("Službene novine FBiH" broj: 31/08, 27/12), člana 36. i 39. Pravila Zavoda za vaspitanje muške djece i omladine-Sarajevo, Upravni odbor Zavoda raspisuje:

JAVNI KONKURS

za izbor i imenovanje direktora Zavoda za vaspitanje muške djece i omladine-Sarajevo

1. Opis pozicije direktora Zavoda za vaspitanje muške djece i omladine – Sarajevo: organizuje i rukovodi radom Zavoda, zastupa i predstavlja Zavod prema trećim licima, odgovoran je za zakonitost rada Zavoda, predlaže Upravnom odboru mjere za efikasno i zakonito obavljanje djelatnosti radi koje je Zavod osnovan, predlaže Upravnom odboru cijene usluga koje pruža Zavod, predlaže Upravnom odboru strategiju razvoja Zavoda, predlaže Upravnom odboru unutrašnju organizaciju i sistematizaciju poslova u Zavodu, predlaže Upravnom odboru osnove planova rada i razvoja Zavoda i godišnji program rada, predlaže Upravnom odboru godišnji finansijski plan i naredbodavac je za izvršenje finansijskog plana Zavoda, predlaže Upravnom odboru Plan nabavki za narednu godinu, donosi odluke u cilju unaprjeđenja poslovanja, smanjenja troškova poslovanja, poboljšanja kvaliteta usluga, u skladu sa planom rada i razvoja, godišnjim programom rada i finansijskim planom Zavoda, podnosi izvještaj Upravnom odboru o realizaciji godišnjeg programa rada i finansijskog poslovanja, odgovoran je Upravnom odboru za rezultate rada i finansijskog poslovanja Zavoda, izvršava odluke i zaključke Upravnog i Nadzornog odbora, donesene u skladu sa ovlaštenjima, zaključuje ugovor o radu sa radnicima, u skladu sa Zakonom o radu, Kolektivnim ugovorom i Pravilnikom o radu, raspoređuje radnike na druga radna mjesta i druge poslove, u skladu sa njihovim stručnim kvalifikacijama i sposobnostima, u toku trajanja radnog odnosa, odlučuje o pravima, obavezama i odgovornostima radnika iz radnog odnosa u skladu sa važećim zakonskim i podzakonskim propisima, vrši i druge poslove u skladu sa zakonom, aktima osnivača i Pravilima Zavoda
2. Opšti uslovi:
 - starost iznad 18 godina;
 - državljanstvo BiH;
 - univerzitetska diploma ili druge obrazovne ili akademske kvalifikacije najmanje VII stepen stručne spreme odnosno visoko obrazovanje po bolonjskom sistemu obrazovanja s najmanje 240 ECTS bodova;
 - zdravstvena sposobnost za obavljanje poslova direktora;
 - da nije otpušten iz državne službe kao rezultat disciplinske mjere na bilo kojem nivou u BIH (bilo na nivou države ili entiteta) u periodu od tri godine prije dana objavljivanja upražnjene pozicije;
 - da se na njega ne odnosi član IX.1. Ustava Bosne i Hercegovine;
 - da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima;

Zavod za vaspitanje muške djece i omladine – Sarajevo, Humska 81.

tel. 033 726 320 fax. 033 654 895 e-mail: info.zavod@zavod-sarajevo.com.ba www.zavod-sarajevo.ba

- da nije osuđivan za krivično djelo koje je nespojivo sa obavljanjem dužnosti direktora;
3. Posebni uslovi:
- VSS, Fakultet političkih nauka-Odsjek za socijalni rad, Filozofski fakultet- Odsjek za pedagogiju ili Odsjek za psihologiju, Pravni, Ekonomski ili Zdravstveni fakultet
 - najmanje pet godina radnog iskustva u struci na rukovodećim radnim mjestima
4. Prijava kandidata treba da sadrži kraću biografiju, adresu i kontakt telefon. Uz prijavu i kraću biografiju kandidati su dužni dostaviti dokaze o ispunjavanju opštih i posebnih uslova iz tačke 2. i 3. ovog javnog konkursa i to:
- a. izvod iz matične knjige rođenih
 - b. uvjerenje o državljanstvu
 - c. odgovarajuću univerzitetsku diplomu
 - d. potvrdu/uvjerenje o traženom radnom iskustvu
 - e. ovjerenu izjavu da nije otpušten iz državne službe kao rezultat disciplinske mjere na bilo kojem nivou u BIH u periodu od tri godine prije dana objavljivanja upražnjene pozicije
 - f. ovjerenu izjavu da se na njega ne odnosi član IX.1. Ustava Bosne i Hercegovine
 - g. ovjerenu izjavu da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima;
5. Kandidat koji bude konačno izabran i imenovan za direktora Zavoda za vaspitanje muške djece i omladine-Sarajevo je dužan u roku od 15 (petnaest) dana od dana imenovanja dostaviti ljekarsko uvjerenje o traženoj zdravstvenoj sposobnosti iz tačke 2.alineja 4. kao i uvjerenje nadležnog organa da nije osuđivan za krivično djelo nespojivo sa dužnošću direktora iz tačke 2.alineja 8.
6. Svi dokumenti priloženi uz prijavu moraju biti original ili ovjerene kopije i ne starije od tri mjeseca izuzev dokumenata koji imaju neograničen rok trajanja.
7. Izbor se vrši na mandatni period od četiri (4) godine.
8. Konkurs će biti objavljen u “Službenim novinama FBiH”, dnevnom listu ”Dnevni avaz”, službenoj web stranici www.zavod-sarajevo.ba i na službenoj web stranici Službe za zapošljavanje Kantona Sarajevo www.szks.ba. Javni konkurs ostaje otvoren 15 dana od dana objave u Službenim novinama FBiH. Kandidati koji budu ispunjavali uslove iz konkursa bit će pismenim putem pozvani na intervju.
9. Vlastoručno potpisane prijave kandidata sa kompletnom dokumentacijom dostaviti poštom preporučeno na adresu:

ZAVOD ZA VASPITANJE MUŠKE DJECE I OMLADINE- SARAJEVO

UL. HUMSKA 81

71000 SARAJEVO

Sa naznakom “Javni konkurs za izbor i imenovanje direktora”

-NE OTVARATI-

10. Neblagovremene i nepotpune prijave neće se uzimati u razmatranje. Upravni odbor će pismenim putem obaviještavati kandidate o svim radnjama u procesu izbora kao i rezultatima konkursa.

**PREDSJEDNIK
UPRAVNOG ODBORA**

**Mr. Jasmin Gačević,
magistar menadžmenta**